

忠雅堂文集

忠雅堂文集卷二十七

詩二十七

鉛山 蔣士銓 心餘

簪筆集

按詩皆先生官翰林時作曾自編爲一卷曰簪筆集今以先後連屬不能分入編年之內故仍其集名列之全詩末

聖武遠揚西域效順大閱禮成恭紀

謹序

臣謹按周禮大司馬以蒐苗獮狩順時講武而中冬教閱之禮視三田爲獨詳所以數軍實昭文章辨等列習威儀知進退嫻馳逐也小雅韎韐有奭以作六師月令孟冬天子乃命將帥講武事習射御角力故茅子曰兵之有陣天之垂象也兵之有練聖人之六藝也後此兩漢禮儀志唐禮樂志宋實錄閱兵各有典制而我朝火器之用折衝禦侮要惟前古所未及欽惟

皇上聖神文武宏纘

先烈拓關疆宇懷柔荒遠其鞬譯貢享者莫不服教畏神良由

至德感化而仁義之師素嫻節制故征則有威守則有材乾隆二十有三年西戎以次款塞而回部東西哈薩克及塔什罕與布魯特等振古未通聲教者至是皆遣使內屬

聖天子嘉其恭順宴賓稠疊于以見我

皇上治超三古威震八紘矣仲冬之月

特命重循四年舊章諏吉戊子日再舉

大闕之禮

臣以新進忝居珥筆後躬逢

盛典職應廢頌伏讀

御製諸詩仁恩愷惻典核精詳用敢紬繹簡閱古義綜撫西師

始末歌咏

德威贊揚美盛雖詞旨弇鄙益不敢引東周及漢唐因陋之事

攷獵之文上擬

聖朝鴻業也爰恭撰五言古詩一章

臣士銓謹拜手稽首以獻

詩曰

至誠建皇極育物對時茂萬邦爲協和四裔入軌覆時雍

文德盛肅烈

武功懋

垂衣開明堂琛寶梯航輳菟田順時令重典在冬狩農隙車
徒表貉每及候除器械不虞夏官掌由舊廿年一再舉用以習
馳驟青雲竭干呂白雉數來雉

威靈暢遐荒陳師示疏附

叶

六軍整以暇一戰孰敢鬪居以揚

天聲出以利禦寇西戎處絕域坐井苦區囂思其卽叙前異此
來賓後種類別馴擾部落雜薰蕕維準噶爾酋腐骨尚遺臭伐
罪

兩朝威罷征

一人宥封狼生驅罷厥性本昏瞽遂令尉幕中噬齧互凌蹙三
策楞來歸撒納亦奔告叶乞師討亂國天鉞乃重投賁育搏
歟雖如以杵投臼桓桓

聖人師破竹決奔溜五月飛捷書並未觔戈鏃方歌集頓詩忽
逸舞庭獸翩翩逞牙爪格磔弄觜咩跳梁導鼃鼃升木教狙狖
搗穴徙穴三入坎出坎復呢嗎錫拉徒因以亂潛構其時四衛
中效尤各紕繆我師南北入後勁合膚腠左哈薩克窺貢馬寶
天廡誓願禽脫兕臣服語無謬賊遂奔羅又旋殄滅于痘彼國
守盟言冥誅爲逆首敬以長狄骨傳獻歷邊堠伊犁驅蛰輩待
斃等颺颺

帝顧四衛拉昂吉掄世胄孰知苞三槩次第卽芟耨惟都爾伯
特庇根稱獨秀厄魯特旣平回鶻具簞豆壺漿迎王師泣訴

苦魚肉釋之閔不辜扶危免其仆乃小和卓木猶猖肆反喉以
茲梟獍凶敢復倖

天佑鋒斧及螭蝟終見絕頰脰爾雖逃庫車盍鑿撒納走沉失
阿克蘇左臂已割襲伯克鍛羽翼一逐比雛鷺三城岌岌殆雉
堞若彈鬚繁葉爾奇木匪固曷敢負遐哉布魯特望風效奔奏
唐書志勃律天日未嘗覲地分鄂托克部以東西聚叶歎塞揚
旆旌繼二降旗后布祜圖昂阿地靈喜三逅賜名伊綿谷京
觀底須築叶別有塔什罕亦爲回中副與右哈薩克蠻觸方兩
雛叶我師遇犄角遣使解其詬聞言各投戈內屬式相好叶而
右哈薩克降表益順採備陳自效心願倍左部又聆其誠樸詞
愈令叛賊羞叶

帝澤海洋洋百川自來赴

叶

六合孩養之善人于是富布露詣

熱河 雲日慶瞻就宴之萬樹園 鍾峯月如畫 維時秋猶畢

鑾輅駐盤岫 羌渾魚貫來蒲伏 覲

見艱山莊飲醕 竊喜列主綬 置身春臺中 如仿佛靈鷲禮臣

請來田訓吉日維戊 森嚴出七校 南苑預屯集 翠華田

盤來諸夷仰 靈罔先期陳羽獵 勁勇各効具 釋網不盡物

飛走同養畜 充庖啓賓筵 酒醴笙簧侑 燭龍銜萬炬 海色奪寒

綳星橋虹蜿蜒 火樹花叢蔽地湧 不夜城赤標隱機 散霞彩卷

山林珠饌發 薪樵沼渚騰 魚龍同一藏 豫猶變幻出神奇 燦爛

啓矇矓都盧舞 初罷小海唱方族

聖製張鐙詞 輝煌縣列宿上元 循故事良宵爲宿留 錫宴羅

遠夷法酒泛醇酎共呼

天可汗肸拜稱

萬壽文閣離萬幕質明聽玉漏 龍齏縣高臺園幄冠崇阜

至尊按轡來帳殿環甲冑朝光一閃耀寶色相煥鏤弓衣龍鳳繞劍佩雲霞繡拜贈

天人襲眞氣彌宇宙據鞍閱隊伍壁壘如卦繇三十有四營旗鼓肅廣袤須臾海螺吹集響撼坤軸叶精銳鞭雷霆歎飲合煙霧叶聲揚海波沸勢挾山容瘦千三百丈內八陣互旋抽叶如發機轉圜九變疊離遶開如鵬翼張動如巨靈吼來如猋輪馳住如夕潮收雄材羽衛積猛氣烈烽透韜鈴本

廟略當者詎能救蕃客立和門震響爲帖伏底用一丸泥萬里塞關竇龍媒來大宛羣服傍旂旒叶異域慕懷柔恭順則汝祐扶珪綴組間有譽更无咎

帝命振旅還武事弗可究乃令罷虎姿歡隨鷄鶩筵禮成六師

喜犒出萬夫受八旗擁千官拜舞首重叩五服仰

天威雨露同潤漑

小臣

職賡颺掌故可繹紬訓練岐陽避雅頌

元和陋珥筆紀

聲靈敷言慚釘餽增詮 王會圖竊敢效史籀

恭祝

皇上五十萬壽詩

至尊立皇極式廓萬年運翔陽歷天度循轉歲無盡常人壽期
頤

天眼等一瞬惟

天眷

天子

天子合天健一句什伯旬積數至億萬眞名可鳥蒙未可紀

遐算芸芸祝嘏心忠愛極贊歎敷辭不能達輒想成坐困臣生
淳樸俗耕讀游里閭祖宗沐膏澤擊壤到童叟幸登承明
廡文字爲職分因陳拜手詞撫括就聞見語慚九如工心等一
芹獻敢曰揚

天休竊謹附

臣

校維二十五載中外樂清宴祥開七政和福備

萬邦奠時暘時雨若豐稔始

畿甸暨東西朔南及亥步所徧

田疇皆有秋民無有不善公孤率卿尹稽首

仁壽殿請上

萬歲觴敬以錄箕衍慶惟洽同歡禮實循舊典奏聞

帝弗許曰予曷敢先待祝

文母釐來歲合醑醺吾

皇本達孝

尊養切寢膳愛敬盡事

親德教驗於變至治通神明

郊祀篤殷薦羣望昭肆類

九室歆禘灌懷柔百靈效感格一誠貫敬

天天與佑法

祖祖爲眷煌煌盛京賦閭岐物華燦萬古

龍興地

興龍慶來臻大澤濡留都時巡異封禪曰魯曰吳越曰梁魏

曰晉或爲道德慕或爲疾苦訊耕歛相補助風俗遞觀問以此

一游豫周原騰夏諺恩流民气和喜動

慈顏盼仁愛所推所萬億疊蠲賑損上而益下日暄而雨潤熙

時財益阜

帝世民無愠露重霜氣微秋官各詳慎萬物含生機百獸就馴

秦細甸及重洋次第皆入 觀齏齏遐陬夷蠻觸互矜忿弄兵
秦蜀外惡艸頗滋蔓金川準噶爾其罪實難追先後勞 王師
蹴踏各糜爛始爲蛙跳梁終作豚入罔羣回部落寬一逆而百
順順者交柯榮逆者連根斷二萬里疆闢數千年功建
容謀一以成百辟誰能贊

前聖猶有待

後聖乃獨擅于以定星野于以列郡縣于以置屯戍于以鳩鴻
雁蒼蒼所覆冒浩浩所包纏地上天以下臣服始無間集勳上
尊號至善歸

慈訓西域兩銘縣太學雙碑煥不得已用兵

皇衷揭雲漢人歸

天順應妙合若符券本來

文治隆道統

心傳見

典學集大成

勤政孜無倦

萬幾或有餘衆象入

宸翰風騷供役使謨典給塗竄豈惟斯文

主實是百王冠求賢廣科額敬老執饋醕崇儒啓經筵禮士

闕東觀繼輅臨園橋御輶涵璧頓禮成國子歡學講羣疑

判繼輅幸翰林

宸章日星燬因之賁璫闢士氣昌明振拜讀壁閒詩不啻聞渙

汗遂令側陋子共仰光華旦簪裾斐斐來教澤雍雍奠美意天

和舍良法仁風扇臣觀宮府開儼雅而嚴憚九德允修和百

職除習玩臣觀封臺吏治法乘成憲率司道守令及將帥兵弁
撫字稱循良防禦飭訓練臣觀膠庠中鼓篳羅俊彥窮經尚正
學植品絕浮衒臣觀田野開膏腴繡塋堰嘉禾九穗合倉廩千
家繕耕鑿忘

帝力婦子歡娛便敬讓合孝弟歌詠安愚鈍豈知祈穀壇墀
念農桑畔爲開樂利源三推戒田畯臣觀居肆工以及在廛
販飲羊不相給苦窳弗自限臣游河淮開式瞻

禹功濬隄石積鐵立恬波玉環引魚龍偃安瀾支庚守伏汎
恩波共洋洋堤閘風檣認由來王道蕩水陸梯航進當茲太平
日

皇躬益宵旰乃知

聖無逸未肯溺安燕春蒐與秋獮習勞御驂軻帳殿開穹廡

章奏馳驛傳

披覽勤秉燭吟哦託游刀習射歌騶虞正鵠滿

御箭臣手

大閱時竊覩

神威震降回駭伏地肢股交栗戰

天人天可汗未敢昂首看連年重譯者基布蕃夷館宛馬充

天閑闔壁儼圭瓚職貢古代珍遠物

皇家賤兢兢持盈畏虞懷納匡諫萬年有道基于茲磐石鎮春

臺處處登

壽宇年年現秋光恰澄鮮卿雲多紉縵日角次

壽星

軒樞繞祥電階箕發天葩

堂設垂寶餘

聖人

聖母壽無疆

臣

所願精神邁山固功業極天峻民已無能名

皇孰可同論曰若稽帝堯曰若稽帝舜

臣

無廢歌才再拜首重

頓

塞宴四事詩四首

詐馬

有序

臣謹按

御製詩注詐馬爲蒙古舊俗今漢語俗所謂跑等者也然元人所云詐馬實咱馬之誤蒙古語謂掌食之人爲咱馬蓋呈馬戲之後則治筵以賜食耳所云只孫乃馬之毛色卽今蒙古語所謂積蘇者是亦屬魚魯茲扎薩克於進宴時擇名馬數百列二十里外結束鬚尾去羈羈馳用幼童皆取其輕捷致遠以鎗聲

爲節遞施傳響則衆騎齊騁羈遶山谷騰躍爭先不踰晷刻而達掄其先至者三十六騎優賚有差所以柔遠人講武事也

銃聲殷發轟晴雷蕃馬數百一滾開結尾束鬣羣駕材驍騎趨迅利用孩霜蹴散電風雨驟逸氣湧潮巖壑摧廿里一瞬閃飛電條若黃河之水從天來倜儻不羈馬躍躍馨控有法兒恢恢吐蕃蹀馬有古戲麟首鳳掖鞍崔嵬上京六月宴只孫亦曰酒馬傳龍堆至今名王奉國俗列獻御筵恭敬偕就中三十六騎倍雄捷錫賚人馬超羣才

時巡惠遠有常典借講武事觀龍驟豈同開元四百蹴尊前奏樂名傾杯詐馬咱馬正訛串

聖學考訂博洽該不似東京夢華記馬戲挾鞍跳蹬倒拖挺立誇奇佻吾

皇馭遠德威河衛勅萬國馴養皆二氣調御四時馬圉人太僕
豈足窺

淵懷天闕近滿貳師種下視六尺俱驚駭

帝庸作歌志和樂樂府久傳天馬徠

小臣

拜手賦舞馬謝莊璫

語真類俳

什榜

有序

臣謹按

御製詩注什榜蒙古樂名今俗所謂十番或因此楊萬里詩有
全蕃長笛橫腰鼓一曲春風出塞聲之句蓋樂名番本塞外語
而傳譌耳其器則笛管箏琵琶絃阮火不思之類將進酒輒於筵
前鞠脰奏之鼓喉而歌蘇囉赴節有太古之遺音焉

大海之水不可量

樂古樂詞中句願

主萬壽壽無疆無貳無虞友朋穀亦樂願身世世爲臣僕當筵

快聽名王歌列塞歡蒙

天子福穹廡禮意春風溫 帳殿威儀秋令肅和音宛合儔侏

離古調相諧絲竹肉樂奏什榜尊

至尊梵唱不數婆羅門按節應翻奏聖曲倚聲如唱感

皇恩琥珀思中雜絃管

天顏有喜邊雲暖十番或入俗部樂八音久譯鞦韆館世爲臣

僕熾且昌願

主聖壽壽無疆 恩波壽酒同洋洋大海之水不可量

相撲有序

臣謹按

御製詩注相撲之戲蒙古所最重筵宴時必陳之國朝亦以是

練習健士謂之布庫蒙古語謂之布克脫帽短襟兩兩相角以搏摔仆地決勝負勝者勞以卮酒卮魯特則袒褐而撲雖蹶不釋必控首屈肩至地乃爲勝彼嘉其壯賜之羊脂則拱臂探掬顧盼吐吞聲若飲歎其舊俗如此用以示惠云

拳鞬撲跌兩健兒角牴之戲古有之衣衿裹身貼膚肌不使分寸容握攜交臂控執相檔摺如挽強弩奪旌麾搏犀搏象全力持壯趾山立頭巖巖雄心猛氣不相下失勢一踣分勝衰衰者退縮勝者踞捧觴顧盼顏光輝蒙古布克我朝曰布庫習練勇力舊制遺吾

皇董率不少廢豹尾之後輒以隨回部新降卮魯特袒褐徒搏尤盱睬閃爍旋轉側復歛一爲虎踞一蹲鴟牽挽尚如滾地獅其一翩然若跨雕制壓兩肘提鬣鬚絕吭斷脰勢且危敗馬仰

天同伏雌強弱旣分係寵辱 詔頒肥羜連蹏足東方割胙未
須廉樊噲啖肩何必熟頗同壯士氣吞牛奚讓將軍飛食肉求
牧欣承一飽恩羸角慚枵十年腹噫歎嘻

聖人脫爾羅網開持爾于危扶爾顛匹夫敢勇寧堪恃須識
天威咫尺縣

教駢有序

臣謹按

御製詩注教駢攻駒周禮雖載然後世僅知攻駒而不能教駢
蒙古則熟習其法訓之騎額爾敏達驛馬三歲以上曰達驛額
爾敏則未施鞍勒者也每歲札薩克於所部驅生馬多羣至宴
所散逸原野諸王公子弟雄傑者執長竿馳繫之加以羈勒始
則怒駢蹴或猗突人立嘶齧鬣股馭者騰蹏而上控掣自如

須臾調良率多良馬

蕃馬三歲名達驛不識奚官有羈絆泉甘艸肥恣飲飽滾地嘶
風成習玩教之有法當及時驅來廣漠馬不疑野性未馴等奇
士天真自任同嬰兒

至尊來觀御龍馬諸藩列部咸相隨五花作雲散毛色骨法權
奇猛難卽名王子弟好身手繡帶鮮衣關裘飾長竿結繩似半
輪展臂舒腰用全力人人馬羣馬盡驚馬欲避竿竿轉逼繩竿
繞馬絡馬首起落縱收爭一息驕氣稍攝已被鞍蹏齧微疎遠
加勒捨竿攬轡人力紆馬奮餘勇怒有餘奔騰不肯受騎控轉
側掀舞作態殊壯士臨馬復上馬據鞍顧盼人瀟灑萬物皆待
教以成

聖人作詩至理明奔蹏跼地都馴習良與吾

皇致太平

御製青羊元韻恭和

老筍髯蒼蒼對鏡不須鑷未從飛仙游已被虞人躡昂登封騫
貢種入屬寶獵全生大官廚比貴老坡帖吾

皇體仁育使牧憫羸茶畔畔騶虞圍庶與鹿麀接跋焦彼何爲
應緩西戎頰

御製火雞元韻恭和

志稱三佛齊雞以炭爲食身如鶴修長羽共毳粹黑種別名偶
同祝祝斂雙翼惜尾毋憚犧啄粒定懷

德警且第栗清栖時樹林直充庖味詎登吐綬技寧得赤驚足
禦火對之當屏息

御製九月十七日雪獵元韻恭和

颯颯金風翦飄飄玉屑霏霜嚴秋欲盡冷重雪呈輝簇樹銀花
縱橫空素鶴飛千崖敷立粉萬幕綴明璣卷絮朝揚旆融冰盡
合圍廣場藩部集馳道御鞭揮馬汗消寒力人歡露凍威錦
翻驚雉墮羽沒驗熊肥險隘平谿壑巖阿錮石屏霓旌迴獵騎
還擁六龍歸

御製塞山雪景元韻恭和六首

滕六風前玉節飄凍雲孳絮嶽山椒林陰集霰周遭合嶺面迎
曦轉側消

紫潯秋高雉兔肥蒼鷹縱擊打盤飛欣看塞北虞旌閃想見淮
西夜甲圍

冰稜巧合陂陀勢粉暈濃皴岌業形銀練亂飄千帳蕭玉龍爭
舞六飛停

鹽廬列部炙封羊。桐酒駝酥泛七香。得覲

天顏如挾纈。炎風朔雪總相忘。

瑩淨瓊田一片鋪。艸根何處匿飛菟。塞山陰霽看都好。不用煙林聽鶉鴝。

琢玉堆晶夢嶂濃。雪山如向蜀天逢。平蕪細數銀杯迹。千頃玻璃萬騎容。

御製木蘭迴蹕至避暑山莊作元韻恭和

塞艸秋迎千隊去。邊雲晴擁六龍迴。乘輿再向山莊駐。屬

國都從羽衛來。獵騎解鞍宮樹繞。賓筵行酒苑花陪。瓊樓玉宇

清涼界。壽域眞隨彩仗開。

御製水月精舍元韻恭和

方池定寒漪。頗黎欲成凍。月明修竹閒。泠泠八琴弄。散彩水精

簾倒影松雲棟靜夜闌虛籟植禽時一哢敬誦

聖人詩餘音嘯如鳳

御製春好軒元韻恭和

宸游列榭崇軒四時一德同論林谷自餘溫暖嚴扉信遠煩喧
停鑾偶誠田僕罷獵已告司原

帝世本如春好中和萬物之元

御製夕清樓得句元韻恭和

飛檐俯餘暉返照散清遠暮色落高原林煙出層巘御樓夕

景佳危廊抱雲轉星河挂闌干初月吐常滿

宸襟一披豁物象供雕纂奇情愜幽旨冷然晚風善登臨各有
宜奚取下帷暖

御製移竹元韻恭和

種分青士秀移自碩人槃拂檻生秋蚤交檐透暑難碧初籠鉤
砌陰漸合雕欄品夙推淇澳聲曾採樂官柯留四時葉枝上五
雲端得地依瑤艸盤根遠石藥引鞭縹錦脫舒葆翠煙團雪後
飄飄羽霜中挺玉玕澆泉滋美潤培土劑新殘驗處條加長量
來帶屢寬何煩龍作杖未取薜爲冠飾月簾櫳敲風珮響珊
咲時腰偶折醉裏節終蟠樹木期多歲呈材等萬竿叢開深徑
轉梢放隔牆觀拆露蛇跗笋披隨鳳尾蘭含虛君子德結實瑞
禽歡卽事同今古

宸農妙剏單綠凝箋色淺香蘸墨花寒詩鏤蒼食上應同汗簡
看

御製題林逋帖真迹用卷中蘇軾書林處士詩後韻恭和
當時寫向孤山曲點筆湖波蘸新綠吟成想對鶴歸雲書罷宜

看梅破玉不知坡老夢清冷略與馬卿爭雅俗傳來遺艸含古
香展處墨光連 御燭得邀

宸賞定首俯配合水仙應願足林蘇雙管倘齊下取譬依稀絲
竹肉

御題許入書畫譜趙氏徒慚金石錄

聖人游執古算儔同異誰能較工曲重言逸民等良史題品榮
于汗青竹文詞利見各有時特達之知比蘭菊

御製飛來峰歌元韻恭和

佛雲一朵飄中華拔地玲瓏具深窈飛時頗借風伯翼移處眞
煩五丁抱天竺老僧胡乃歎靈隱禪師听然咲煙嵐縹緲護龍
象紫翠鮮新潤金瑤聲聞定寂本同旨蔗鼓鯨鐘六時考慧珠
炯炯水精域湛朗光明洞昏曉

聖心虛靜涵妙諦色相莊嚴豈爲寶淙淙乳竇瀉鳴玉承以六
鉢佛當飽山靈安住便樂土不記當時靈鷲道待埽古苔鐫

御詩健筆揮之防蹴倒

御製罷魚元韻恭和

敝人以時梁數咎盡休罷澤虞掌水嬉不綱聖仁在紫淵寶華
鱗類族市司買縱之游浩蕩圉圉忘觸碍吾

皇綜名實曰咨百爾宋人物產化區分職有專宰民歌育育魚
厥詩可旁採兆爲牧人夢烹則校人罪開網出潛鯽義取震故
解恩波溢中沚素蠟謝沾浼罷魚迴鳧舟歌頌接款乃全生薄
川利民氣增十倍

御製青蓮寺觀魚疊舊作韻恭和

老佛梅檀古天人結攬餘庭開迎輦并池躍聽經魚霽色明僧

舍墨香襲

帝裾騰梭看潑潑吹沫驗如如法喻青蓮相詩聯錦鯉書淵淵
呈豁處斯是化機歟

御製副將軍富德等追及兩和卓木大勝回軍捷書至作歌紀
事元韻恭和

捷書夜奏行宮筵將略制勝

皇詩傳飛走計窮網罟合狐兔敢乞鷹鷂憐馬經戈壁致萬里
兵壓流沙來九天延陀頡利久臣服如鼠得穴魚得泉兩酋利
苗出逆性怒臂竊逞剛車前霍斯庫魯克一戰賊眾膽落唐光
顏大軍未至已逃竄尚敢設伏當兩山餌兵勿貪訓從古龍頭
天竈機觸先將軍靜幽以正治布罽結陣麾羣賢中央左右雜
奇援以指屬臂臂屬肩發機踐墨寡敵眾回中蹴踏無人焉渠

魁伯克翦滅盡二逆且倖旦夕延

廟謨如神勝算握命將帥師一當千二重一信比山岳 詔旨
褒美飛馳遄嘉爾將軍富德及參贊曰瑞曰桂曰袞曰祿分中
邊嘉爾額爾登額善策應緊及齊凌扎布殿後摩旌旃酬庸
曠典當繼繼秦凱突邁平淮年併縣軌輻湯沃雪八荒底定金
甌全抽豪再賦七德舞虎皮一裹干戈旋

御製驛章元韻恭和

治兵舉秋獮天馬以次來午夜

披軍書益勵

無逸懷郵報絕域汗共勦陰山回連師麾率然犄角遣背鬼游
魂葉從風欲墜墨克隄吾

皇仗威信六合養以孩爾背卵翼恩自爲梟獍儕敢以蟲沙軍

竊擾星火差何來阿木爾恭順如排推願歸服不氏馴養安羅
母桓桓富將軍重慮軍慝詒叶責以自効功論以

聖武恢遂遣兵將從控馭皆宜哉迅雷所撞擊何物能徂徊兩

酋當就擒一表寧塞責叶羽檄逐飛鳥上慰

天懷開佇看凱旋軍旗纛相搪挨煌煌遠塞動默默深宮裁

請看

乙覽餘

睿藻聲還諧

御製濟爾哈朗圖行宮作恭和二首

落成賡咏誌新宮象外煙霞御氣通庭集嘉賓循燕禮侯臨

秋獮賦車攻行窩朗暢

真人宅和氣蒸融上苑風一室包含天下事可知安樂萬方同

吉行安蹕息羣多
御宿無煩供帳過
尚質規模仍儉樸
有秋風景足搜羅
箇中水艸連邨塢
絕妙雲山亦澗阿
補入圖經宸攬處
四圍還著散仙窩

御製右部哈薩克及塔什罕回人布魯特部首領晉來覲謁恰至山莊曲宴示恩點筆成什恭和二首

接武咸賓荷寵嘉
歸遲同訴阻荒遐
諸夷陟遠無歧志
四海由來共一家
翹首回中心久服
當筵領上手頻加
東升日比車輪大
螳臂噴佗意嚮差

異域來王悉主臣
窮邊未隔一由旬
因教講武期占戊
試聽宣威令再申
別殿花明葵向日
上林枝妥鳥依人
欣看雨露同霑處
艸木都懷化育仁

御製南苑賜哈薩克布魯特塔什罕回人等觀煙火鐙詞元韻

恭和八首

羽獵纔停百戲開
萬枝銚火照樓臺
扶輿忽湧光明藏
特地憐渠昧谷來

火樹銀花照眼新
暖融蓬島欲頽春
纔知日出扶桑處
月鏡星毬也似輪

海子波明駕彩虹
天家臺殿在虛空
合圍慚愧回中夜
獵火星星與燭同

丹霞滿現赤城標
黃幕分明在絳霄
試看青蓮千疊綻
應知玉燭萬年調

不夜城開湧禁林
良宵故事可相尋
天光一燦羣陰伏
共見重華法

祖心

角觝魚龍戲最奇
神機約略見于斯
三更爆竹如雷震
不異陰山破敵時

組練旌旗駐水隈
試鎗已足懾諸回
再然烽火聒神礮
只恐西人破膽來

不爲宸游玩物華

天王柔遠惠頻加
投明棄暗如觀火
故遣降臣走傳車

御製對瀑元韻恭和

方諸取涼露積練
偶藏涸寒色挂晶簾
琤琤戛然落誰編
龍湫珠濺洒夜明
箔喧寂理亦齊
虛靜聽仍算有本
鑑原泉觀瀾術
斯託

御製貯清書屋元韻恭和

窗牖含虛白清機蘊藉多
林亭幽自引巖壑翠相摩
仙露明珠

滿松風水月過冰壺貯嶸嶸相較定如何

御製含遠樓元韻恭和

萬壑千巖入檻幽

宸襟開處豁 天眸憑闌點筆成高唱倒瀉詞源截叙流

御製賜哈薩克布魯特等宴卽席得句元韻恭和

西戎卽叙法筵開拜手應歌至治哉奉使槎隨河水下負喧人

捧太陽來冠裳就列諸夷順玉帛趨庭萬國陪同飲醴酬欽

聖德留犁初撥大官醅

御製仲冬南苑大閱紀事元韻恭和

絕塞頻收吐魯渾因時講武許重論舞干數見來回鶻傳檄俄

當殄木昆令出山移雷電激陣成海沸鸛鵠喧羌夷拜舞宛駟

躍煦嫗恩連秣飼恩

御製將之盤山駐蹕湯泉行宮作元韻恭和

花門犀甲望塵歛錫命期隨左部叨境外貔貅方踴躍盤中風鶴倍雄豪受降傳蹕離宮啓揚烈宣威夙駕勞便有山靈環薦嶺佛光纔現一秋豪

御製自西峪取路登田盤至雙峯寺小憩元韻恭和

地湧水精域金碧收前廢

宸章壁紗籠輦路巖花記六飛拂晴嵐香界尋往愍佛境

不盡空道眼了無異偶諧

仁智心山水大千置雙峯峙蒼茫一寺點寒翠北堂雁來賓歛

斜帶征轡

御製法藏寺元韻恭和

停蹕當蘭若探幽緬細岑山隨千佛拜松認六龍臨梵響含

諸巖浮圖矗遠林。玉鞭揮指處雲密萬峯陰。

御製發定光塔作歌元韻恭和

憑虛俯視千疊山高標突聳蒼穹閒

至人心眼納宇宙極覽絕域無峯巒游龍身已藏鉢臥怖鴿翼
敢巡檐攀居高思危聖有戒下士罔識垂堂言冥搜果覺佛光
定仰矚益見天容閒指輪已現上方相山色遠露西人顏智珠
普照合高下慧眼靜攝無偏全鴻鈞一氣轉呼吸

帝座本在諸天前

御製雲罩寺元韻恭和

拾級見鳥背絕頂常生風上界飄御香和氣迴方冬眞宰運
四時無心驗元功佛指降魔幢足靖波旬兇師貞戰則克不待

占著箇

御製駐蹕靜寄山莊元韻恭和

碧落紅牆繚以紆靜中雲物護宸居喬林徑合翻晴漲遠岫窗含湧石渠道味消融方丈裏天機涵養萬幾餘飛潛各適塵氛滌恰稱吾

皇結攬徐

御製得樂軒元韻恭和

高明宜遠眺暄暖趁冬陽一室收奇勝羣峯盡老蒼煙霞開隴畝雞犬聒柴桑譜入圖經內

宸篇可細詳

御製游古中盤作元韻恭和

盛世誰栖隱者闢兩峯環處翠開門井泉甘美山川潤艸木丰茸氣候暄秀野邨連僧寺古晴嵐光轉御旗翻徧祥合動

天顏喜宜稼宜宮故迹存

御製少林寺元韻恭和

花落祇林出雲開鳥道盤
龕鏗傳後朗禪榻坐深寒
色相參眞諦風光入妙觀
笙鐘酣萬壑聲帶法王歡

御製上方寺元韻恭和

風幡不動午鐘遲下界聲聞絕
議思小駐經壇一彈指妙香凝
處又成詩

御製汲惠泉烹竹爐歌元韻恭和

一器不亞聞人聞

聖意三致品題分惠山竹爐
比焦鼎後先濟美同紀羣天
神乳竇醞靈境清味一洗仙
都塵山僧舊製取攜便刻鏤
弗藉雲雷文林閒汲水試活
火火色水味俱沁蒼松芳雲
濤不動蟹眼沸

御榻靜對虬鸞陳山靈再拜古佛喜古佛

今佛風分敦圖經細訂陸羽註蘭桂不用樵青薪前人茗酪異
嗜好酒鎗茶鼎流傳紛篁墩竹垞各評跋詎若紱米寬吳輩所
云中冷龍井別流派

睿賞一一相衡權

聖人味道閱甘苦是于器也而道存貫珠嬰琲極三歎山容水
態精神新

天章久作藝林寶

御墨更錫名山珍不須續尾寫長卷臣信後世無詩人

御製反李白丁都護歌元韻恭和

河濁江流清呼吸分暗貯鐵鑼凌三山一水帶諸府周官掌疏
濬厥利辨水土通漕政基重失役民或苦 盛世勤歲修樂利

邁前古裁成輔相權惟

聖克匡補舟浮吳越人貨轉東南賈煙波照庭牖汲用堪拾取
李白如復生詩瓢定投潞

御製咏回人玉刀元韻恭和

寸鐵可用過于尺挾藏本稱衣衷窄回人絡繹王道直清剛揚
文貢匪迫靈金寶藏豈汝惜白日照之歛寒色瓜畦不刺無此
飾形彰道隱光奕奕古來俠客誰能得玉刀玉斧並什襲
天章奇奧請箋釋

趙北口櫂歌二章

天中節張水嬉七十二鱗銜浪飛翠華來鑾輿歸畫鼓聲

中載朱旗錦標彩鷁舞之而趙北燕南樂何其

水心鏡龜鼉梁飛鳧水馬游江鄉祝

聖壽獻蒲觴

君民同樂樂無疆太平萬歲字中央羣龍夾舟朝

玉皇

御製大西門樓前較射元韻恭和四首

布鵠如縣射的山宛然觀德澤宮開合圍氣靜風雲暖發矢聲
和志體閒金埒鳴鞭停御馬紫衣招箭出仙班歡從禮樂瞻
容節仰覩天弧比月彎

受降城已築額當絕域頻飛

詔紙黃偶設騶虞聯六耦遂令

烏弋侍長楊更番破的欽

神武正直陳威覲耿光狡兔魂驚三窟陷敢勞繁弱殪天狼

慈顏和霽壽齊嵩初爵還歌燕譽同餘暇觀賢爲大射從來頒
政在司弓一時官備要荒衛九節侯張虎豹熊不數戟枝蜺翼

技

聖人巧力總天工

底用長楸汗赭鞭從容決拾已空前咸欽

威德風行艸還念淮梁水拍天事繼習戎徵繹志典從迴 躡

紀于田

宸章畫壁賡三疊應陋華林獻賦年

忠

卷二十七

忠雅堂文集卷二十八

詞一

鉛山 蔣士銓 心餘

銅絃詞上

按先生詞初名聽秋後易名銅絃舊編爲二卷今仍之

滿江紅

渡黃河

混混黃流秋九月狂瀾初落背夕照揚舲東去扁舟如雀千尺
射波浮日彩一溝洪水圍天腳破煙雲兩朵北邙山青如昨
舳聲軋潛蛟愕帆影側游鱗躍咲當年割據今朝城郭數折源
通星宿遠一層冰繞崑崙弱把英雄事業問前朝消河洛

念奴嬌

泊黃州二十初度

落帆江口是太行歸客縣弧之日逝水年華驚廿載兩字功名

難必白眼談詩黃衫說劍已是飄零極人生加冠一身如此堪
惜且向橋上觀瀾磯頭舶趙蠟我登臨展拂拭泥金題畫扇
點染江山陳跡斗麪誰炊瓣香自翦酌酒坡公席黃花落矣莫
辭盡醉今夕

滿江紅

赤壁

鑿翠流丹使全楚山川襟帶是一片神工鬼斧劈開靈界磯下
白龜橫斷岸樓中黃鶴飛天外賸文章雙照大江流垂金鏐
一斗酒猶堪載三分事聊堪話甚英雄豎子倏焉成敗歌舞二
喬誰得有舳艫千里今安在便江風山月尚如前都無奈

醉江月

望廬山二首

推筵一咲喜十年重見廬山面目問訊匡君無恙否五老須眉
如夙日照香鑪雲生鶴觀雪挂康王谷銀河倒卷青天亂酒飛
瀑我欲左拍徐凝右攜李渤共跨先生鹿小載玉淵潭上酒
料理百錢青竹松下吟詩雲中倚劍坐看黃冠局掉頭一問山
靈可有緣不

夢中曾到向東林結社西林拄笏大石橋邊呼慧遠不畏虎聲
騰谷鹿洞芝肥麝囊花紫醉倚芙蓉簇白雲留我連花峯下同
宿醒後遊迹俱非衣鶉馬狗仍逐窮途哭十載天涯幾兩屐
踏遍太行千曲投筆歸來布帆無恙穩泛潯江綠青山相對形
容偃蹇如僕

百字令

蔡文姬肇阮圖二首

畫中人面坐胡牀。摘阮雙雛侍側。貂帽蠻靴垂辮髮。絕代春風
顏色。旃帳魂孤。飛離語異。獵騎如雲。黑闥氏年少。此時應也頭
白。當日一樣還朝。羌兒泪洒。不若蘇通國。留取餘生埋衛玠。
蓬首翻求國賊。虎士如林。龍驤滿殿。都尉何恩德。那堪再誤胡
笳。不川多拍。

賜書能記論才華。豈媿中郎之女。不放龍門成謗史。留得班昭
何取。一種傷心。幾番隱恨。詩在誰憐。汝桃花廟側。試拉息嬌同
語。可惜今古佳人。泰山一死。天不尋常許。我過明妃青冢畔。
著帽黃沙如雨。霜壓盤鵬。風吹病馬。出塞悲行旅。虧他銀甲邊
聲。細細彈與。

賀新涼

藕塘銷夏圖

不記來時路認分明風亭月榭此中堪坐攀出龍宮珠一串幾
點露盤涼雨秋到了兩行疎樹一桁簾波湘水碧約新涼小伴
知何處無一點人閒暑紅妝翠裏真容與好園林清虛樓閣
臥游應許只有清風生畫壁莫使客餐寒具高唱也名花解語
明月欲來香在水聽新蟬送下斜暉去試共把荷錢數

水龍吟

題戈二齋壁二首

相逢同飲亡何酒酣清淚飄如霞茂陵詞客秦川公子惟君其
彥臺上呼鷹河東飲馬隴頭磨劍數年少豪游唯吾與汝記得
滄關四扇舊恨新愁難遣誤才人烏闌黃絹一寒至此婦人
醇酒斯言誠善僕本恨人君真佳士奈何貧賤莫辭痛飲人心
不似大都如面

念奴嬌

官街斜日向城南訪汝棗花堂裏紫鳳天吳團繡襖親見小茶
簾底問我誰何楊梅孔雀戲答前言耳柴關盡掩文簾四壁如
此那須寫韻吳孃鍼神絲線賸醲黏圖史潑悶漫勞沽酒伴
爛嚼殘絨而已睂嫵風流一般疎嬾貧病何年始人生失意瓊
邪當爲情死

賀新涼

自題一片石傳奇

蝶是莊生化絕冠纓仰天而咲閒愁休挂大抵人生行樂耳檀
板何妨輕打窮興達漫漫長夜歎女癡兒歡咲繁歎何哉已老
秋娘嫁須富貴何時也十年騎瘦連錢馬經幾多浮雲變態
悲歌嫵罵南郭東方游戲慣粉墨誰真誰假弔華屋荒邱聊且

不見古人何足恨只文詞伎倆斯其下我本是傷心者

念奴嬌

李鳳山忘機圖小影

波平如許記不起涼月空江何處抱膝船唇天澹迤不見一枝
柔艣半臂生寒好秋難臥孤坐和誰語宦情如水此時忘卻今
古幾人明鏡當頭肯來消受者雁沙鷗嶼恰憶歸舟酒醒對
蟬鬢添衣吟苦子戊辰下第有歸舟酒醒圖點點江山十年腳底燕趙秦吳楚滿
船涼月問君載向何所

鎖窗寒

雪朝遲孫翰庭徐盡山朱震江小飲二首

滴粉搓酥柳棉飛處亂縈簾影檐瓦層皴似較昨宵寒緊想先
生夢嘯蘇門放衙猶擁黃紬寢歎丞真負汝十八年來一官酸

冷衮衮讓多少都尉通侯浪登臺省悲歌何益萬事不如狂
飲爲羣公掃逕敲冰滿鑪柑櫓煎濃茗望詩人乘興而來莫使
求羊等

萬年歡

十笏荒齋有淮南鼙鼓謝家絲竹煨芋醃菹差勝朱門梁肉隨
意持螯行炙聽攪耳箏琶繁促不須管蠟淚如山雪花堆過茅
屋誰稱免置馬牧縱諸君有恨未多於僕鳳泊鸞飄那似浮
屠三宿萬事不過如是展幾兩江山滿目行樂耳美酒羊羔何
須咲彼麴俗

解連環

麻姑圖

乍離蓬島約風裳幾褶羽衣縹緲負筠籃半蟬香肩縱力不勝

嬌肯拋瑤艸海外歸來又一度
澹桑枯槁綃牋支小髻
辨髮新盤新妝偏好
破費工夫多少
看明金錯繡一天風
調算不比畫裡真
真倚三尺生綃
許人低叫我憶餘杭
問花釀幾人沾了
拌忍受王遠仙鞭一親長爪

滿宮花

言愁二首

態嬌癡人獨自長帶一分愁
意尋思著甚比量愁沒箇和愁相
似不解愁從何處至
覺道眼前都是同行同坐
總難銷只好與愁同睡

蝶戀花

雨雨風風愁不止
月下鐙前愁又從新起
天許有情人不死
不應更遣愁如此
暫時撇去仍來矣
纔繞天涯又到人心裏
我

愛人愁愁愛你一人一箇愁相倚

賀新涼

南昌判官程十七北涯浮香舍小飲酒闌口占雜紀四首

瀟洒房櫳底展文茵紅璫一片秋光如水殘月曉風多少恨我輩鍾情而已問低唱淺斟何似忍把浮名輕換了鈍詞鋒不過

吳蒙耳敢浪犯將軍壘

北涯方校子
詞本

官齋十笏堆區吏拓軒

窗招人來坐米家船裏錦俗緋魚腰手版別駕風流如此歎海內幾人知己虛擲年華無寸益戴儒冠不合稱才子擊碎也烏皮几

名宦何堪數讓先生風襲月扇歌兒舞女達者爲官遊戲耳續

了袁家新譜

北涯有後
西樓填詞

誰唱得屯田樂府非我佳人應莫解向花

閒自點檀匡鼓奏絕調可千古 秋宵想見文心苦列名

持椽燭筆翬兩部忍凍揮豪辭半臂明月西樓纔午儘一串珠

喉吞吐越霰吳霜篷背飽奈年來王事都靡鹽藉竿木尚能舞

帳冷香銷夜斷腸吟生平一事最傷心者記得琉璃爲硯匣新

咏玉臺頻借春去矣小樓花謝誦偈朝雲曾現影怨東風兩次

吹蘭麝看燕燕香泥惹北滄婦人趙蘭微能詩亡後廿餘日八月十三夜夫人將臨

緣也北滄婦人趙蘭微能詩亡後廿餘日八月十三夜夫人將臨判官自判氤氲且白尚書歌填長恨再生

精舍君語如斯吾怕聽便英雄淚也如鉛瀉兒女恨那堪寫

燭炮銅盤矣挂絺衣幾枝蘿薜晚風吹起猿箇雁箏聲拉雜一

帶天河斜指論甲子大夫強仕不信東方編貝穩笑昌黎早落

期期齒北滄年未五十齒脫幾半渾未免聊復耳 飢驅我亦愁無底揖諸侯

人間上客自稱狂士十載黃齋酸到骨嚼出宮商角徵豈年少
甘爲蕩子大噱仰天天也悶肯登堂浪進先生履淪落感竟如
此

喜遷鶯

題烏程沈蕚崖小照圖爲北涯姬人金氏筆

聽松餐菊似瘦鶴秋山絕無塵俗鬢點吳霜酒灑越劍堆垛閒
愁千斛誰是狂夫牛儂君或先生馬牧絳蠟底把行踪畧語牢
騷如僕橫幅寫面貌京兆斜顰衣染春山綠彤管親摹世何
邱壑不畫凌煙也足何取弓刀褒鄂較可丹青顧陸傳神手勝
衛夫人字管夫人竹

賀新涼

鄱陽徐公覆負才名工爲南北曲詞任俠好客家遂落

年五十日貧困偕孺人晝秋香圖雙照自娛屬予題幀
首二首

艸閣憑消受護茅檐蒼松落翠高梧環牖城北徐公美無度才
在盧前王後拋心力豪蘇膩柳把卷六州難鑄錯哭秋風負汝
填詞手空唱破旗亭口 神仙將相原難就嘆人間勛名富貴
男兒自有收拾牢騷行樂耳坐爾秋香半畝偕老者梁鴻佳婦
莫唱小山招隱曲願兒孫森列當階秀君更愛嶠官否
老屋三間下看眼中頭顱如許君其健者何不彎弓馳獵騎飛
雁翻身仰射知未了男婚女嫁鄭婢蕭奴齊侍側牽夫人小摘
香盈把饒此樂自當盡 史公奔走眞牛馬且旁觀爛羊牽犬
人奴笞罵我欲岑牟披單袂揜裏鼉皮親打否則種梅花繞舍
酌酒唱君新樂府賺細君割肉明年也英雄淚如鉛瀉

玲瓏四犯

程十七判官有侍兒能吹橫竹者書簫贈之

細雨黃昏聽翡翠屏邊笛聲初起鬢影依稀坐背紅鐙烏几丁
星竹籟蛩音都迸入一行纖指韻鳴鳴絲兒氣力吹得秋聲如
此尊前只合分明見認窈窕樊川婢子料得前生爲弄玉或
是雙成姊醉把紅牙親拍應咲我微雲學士問娉婷騎鳳何時
直得配他蕭史

念奴嬌

無題

中年絲竹列金釵十二司空見慣滴粉搓酥蘭氣暖月照一層
帷幔元九堂前岐王宅裏小夢年華換分司御史座間偏解腸
斷吾人富貴何時讀書好色事事堪長歎淚漬青衫塵染鬢

鏡裏朱顏愁看飢便吹簫悲來擊缶累汝櫻桃繁狂歌無奈清
商爲我低按

水調歌頭

鄱陽徐衡友小照

名宦幾人了揮手弄潺湲百道跳珠噴雪聲在翠筠間試問曳
裾趨走何似科頭箕踞落得半生閒作達古來少爭咲老夫頑
官似夢羈如戟鬢先斑不記吹臺梁苑屋後有青山拋去朝
衫手版攜取隱囊冰簟常侍熱全刪古調勿復操羣響滿前灣
長亭怨慢

箇儂

蠶檐上蟾鉤皎潔也似揚州二分明月玉臂清輝卷簾同坐半
窗雪憑肩私語無那箇儂癡絕問河畔雙星可眞箇年年歡喜

離別 唉多情誤我耐盡銕花磨折猶牆對影算名士傾城相
悅縱然教四角生輪銷不去天涯雙轍且看你晚風吹鬢閒愁
休說

水調歌頭

沈維潤太守席上感事

對酒不能飲看鬢欲成絲眼中咄咄怪事誰可合時宜幾許弓
蛇薏苡一片白衣蒼狗大槩盡如斯耳熱勿擊筑勅急且聞基
牧豬奴屠狗會販繪兒黥徒伎倆止此恩怨烏瞿瞿冤狡竟
遭人罟蠶巧那堪自縛斷送老頭皮舊袂爲公舞爛醉草須辭
爲南昌尹顧瓚園悼亡姬姚氏姚爲舊家子幼歷患難
瀕死而生者三性烈而俠言行皆可傳予爲譜空谷香
傳奇弔之三首

佳人難再得逝者歎如斯風外曉星明滅愁絕在東時落葉生
窗如夢綃帳一層如霧只有斷魂知曉妝憐小女學母畫雙眉
心中事眼中淚畫中姿哭煞梁鴻夫婦白了鬢邊絲一樣寒
梅官閣幾隊花鈿蟬鬢頓少一人隨雛鳳不能語索乳指靈帷

華胥引

萬千愁緒廿九年華桃花命短取印提戈不及看見睥盤暖一
縷藥竈殘煙似箇儂腸斷姊妹花繁人間天上相伴玉和無
情殉蕭娘但餘金甃妝臺塵漬仙郎書記誰管眼見碧落黃泉
返魂香散淚落君前一聲淒絕河滿

臺城路

當年曾棹沙棠楫桃葉春江攜渡廿四橋邊青篷紅豆作弄揚
州樂府朝朝暮暮爭禁得今年者番酸楚荀令神傷牽衣忍看

小兒女 青天靈藥誰誤贖呢喃雙燕夫人親哺帥佩宜男花
簪蠲忿不歎秋娘金縷朱顏黃土向月暗銓昏可曾低訴他日
錢唐傍朝雲小墓

滿江紅

送程十七判官入都

短後之衣學新婦車中閉道閒管領魚龍角觝莫非王事鐙市
畫廊圍綺閣天街仙藥飄檐翠有迦陵小部奏鈞天霓裳隊
豪俠客誰能似詞賦手難爲繼況兼人才調聰明絕世天下英
雄君與操夢中蝴蝶官如戲歲星耶流落又人間神仙吏

馬鐸郎當南浦上雁聲淒絕誰與唱窮秋一路曉風殘月畫壁

重尋釵腳字黃河怒卷龍門雪憶官齋吹徹玉笙寒新婚別

北涯

方納姬
故戲之

英雄槩剛腸熱兒女態柔腸折負綢繆小印臂痕親齧

取瑟而歌公莫舞以儒爲戲吾真拙把離愁拋擲與江山都休說

百字令

題畫二首

碧沼紅闌似西園雅集玉山偕隱拂面涼陰垂地綠微漏幾條
天影萬卷奇書一枝翠蓋贏得荷筒飲衣冠洒落人間殘暑消
盡試問高柳誰栽樹猶如此多少琅邪恨河朔風流今已矣
畫裏須眉無準月榭飛觴露臺角伎醉擁紅妝寢酒闌人散不
知留得何景

紗巾挂壁向南窗高臥那知寒暑夢與古人相伯仲嘲戲何妨
爾汝說鬼談天讀書論劍我意都無取捫圖大噓此中誰箇堪
語不妨落佩欹冠解飲醇醪亦足稱豪舉觸熱可憐牛馬僧

爭買名園花墅，巢燕纔飛，秋風又起。那得閒居處，人生行樂，古今大抵如許。

賀新涼

天津舟次與山陰平瑤海夜話感懷卽書其閉關詩後
二首

蠟淚銷殘炬，卷秋篷、兩角離合。羅浮風雨曉，角霜天、吹冷月高。
唱大江東去，老蕩子、惟吾與汝。鳳泊鸞飄，多少恨、訴窮愁、吟到傷心處。
詩一卷，奈何許。重趼又曳公車，屢歎年年成河客淚。
經天東注，君是秦嘉秋夢，遠記得、喁喁私語。
瑤海內子能詩眉上
送詩小令首飾清絕
分別英雄兒女，閱世纔知同調少，對佳人也。算神仙侶，誰忍聽鴟衣杵。

算管青衫濕，念家山茫茫對此百端交集。礪塊填胸，澆不盡、咲

向青天長揖夢中蟻日中駒隙何者人生爲不朽但歧途如此
眞堪泣腸斷也一聲笛添衣坐待天河直倚危檣帽檐敲側
寒星歷歷小聚他時亦增感幾點雪泥鴻迹看自整排風毛翼
我有慈親離不得出門心已作歸飛鷁憶今夕是何夕

齊天樂

壬申下禮部第出京宿良鄉

來時盡說長安樂出門西向而笑半入雲霄半飄塵海半在秋
原殘照欹斜烏帽對冷月嘯蛩影形相弔此味辛酸古人先我
已嘗到風雲何限屠釣歎行年廿八已非英妙數折桑乾一
條虹彩車騎喧喧等閒不如歸好共烏鵲南飛聽他低叫飽啣
黃梁擁衾眠一覺

金縷曲

春夜出卑使院讀鄭荔鄉太守青衫詞書卷尾

一夜清明雨翦鐙煤爨而坐者蕭然愁旅唱徧青衫詞一卷太
守清豪如許想少日淹留情緒百感孤踪都似僕對江山肯作
尋常語拔長劍向天舞白頭詞客今誰侶擁朱輪頽然老矣
日趨公府塵世光陰飛鳥過哀樂中年何取身後譽幾人堪數
對此茫茫百端集聽黃雞白日成今古旗亭酒那須睹

十八歲初度日感懷時客青州二首

仰屋和誰語計年華人生不過數十寒暑轉憶四齡初識字指
點眞勞慈母授經傳咿唔辛苦母意寧寧兒欲臥窮寒鐙掩泣
心酸楚教聽聽麗樵鼓十齡騎馬隨吾父歷中原東西南北
乾坤如許天下河山看大半弱冠幡然歸去風折我中庭椿樹
血漬麻衣初脫了舊青衫又染京華土敗翎折墜齊魯

愁似形隨影苦飄零身如槁木心如廢井塵海迷漫無處著常
作風前斷梗觸往事幾番追省十載中鉤吞不下趁波濤忍住
喉間鯁嘔不出漸成癭眼前一片饕餮境黑甜中癡人戀夢
達人求醒悶盡因緣皆幻泡纔覺有身非幸況哀樂勞生分領
歷亂游蜂鑽故紙溺腥煎醢飽憐公等艸頭露但俄頃

虞美人

謝蒼崖松下問雲圖

人生只在浮雲裏過眼皆彈指喬松偃蹇臥蒼龍閱盡浮雲老
樹與山翁也知此意無人會問也無人對不如放眼向青天
立盡松陰我與我周旋

念奴嬌

曹州尋芳紀游三首

芳郊如掌逐香風穿過縱橫林薄幾處花畦春爛漫錦紅瑜
爭拓地列雲霞客俱蠶蜨不減秦宮活餘脂腴馥憑他燕子偷
掠 可惜香霧沾衣濃陰拂面好處無亭閣詰曲深廊交古翠
那借松毛編縛佳日來稀東鄰見慣歲歲開還落何郎舊識漫
題凡鳥相詎 何氏園

閒閒十畝看花如菰韭更如鶯燕夕露朝霞供採摘買斷綠愁
紅怨老樹維駒殘葩炙肉雜沓笙歌宴芳叢鶴蓋一年幾度相
見 獨有偃地虬松孤檣傲骨橫臥如人倦剔薺捫苔無醉墨
我向壁間尋徧譜繼揚州種分京雒也算河陽縣城中萬戶豈
無高士庭院 官園

離奇天矯借怪樹爲門天然圭竇中有喬松前代物閱歷幾何
人壽碧蓋盤空枯筋穴地白雨蒼皮溜樹猶如此主人門第應

舊憑奈屋少樓臺地無邱壑拳石差堪漱么鳥爭含紅雨墜
萬點朱櫻如豆露井尋詩平臺吸茗香染荷家裏斜陽歸去鬱
然回苔深秀

郭氏園

金縷曲

吳門張秀才

傳詩

年少有雋才游濟南受知於金櫓門

先生明日以四雨莊吟卷贐之先生予誦而愛之題二

詞於後

十幅澄江練襲香絲文心一縷驚才絕艷出水芙蓉生夢穎丰
致嫣然初見恰又似朝霞舒卷張緒風流標格好比垂楊一樹
靈和殿眼灼灼更如電思騎黃鶴尋仙眷訴喁喁鐙前才子
淚痕清泣

皆用卷中語

怪底風人俱善感各帶一分哀怨記當日春蠶

絲纏翦彩裁雲工綺語把鬪花金粉思量徧成往事說來倦

愁向歡場起易銷，
魂才人結習大都如是只覺江山多寂莫無
處教人歡喜抱斯意吾儕應爾抑鬱無端同故態更飄零知遇
俱相似共回首雁聲裏開情十載拋流水念家山暮雲回合
自傷羈滯麗句清詞刊落盡柳絮今沾泥澤有錦瑟吟編曾煖
子年十七前有無題詩四百餘首辛酉秋一夕忽有所悟取而盡焚之今不爲情語者十二年
多情死同調者那堪此

蝶戀花

吟鄉入使院受業於檣門先生凡廿四日鐙窗對榻聊
夕與俱八月初三夕留二詞別予明日將出應秋試也
次韻答之二首

雲路千金爭一刻喜近秋中黃作去聲眉間色底事暫離離未得
此情惟有孤鐙識雲錦江花豪彩織徑寸明珠照破秋霄黑

六月淹留因雨息明年和爾聯風翼

莫數寒宵銀漏刻秋是愁天夜是愁人色聚散無端誰禁得相
關豈若休相識滿耳西風鳴促織暮氣深沈星月皆昏黑眼
底征鞍何日忘不如鳥鵲身生翼

城頭月

中秋雨夜書家信後三首

他鄉見月猶淒楚天氣偏如許一院蟲音一聲更鼓一陣黃昏
雨孤鐙照影無人語默把中秋數荏苒華年更番離別九載
天涯度

清宵定置高堂酒料得梧當手弱婦扶持雖孫宛轉怎及兒將
母遙憐扶杖依南斗明歲兒歸否窮達難知團樂最樂悔
長安走

去年拜月深閨裏憶我風檐底一片清輝三条畫燭遠盼泥金
喜今年憶我愁千里月上天如水姑鬢成絲兒膚勝雪瘦影
中間倚

蘇幕遮

大明湖泛月

畫船游明月路古歷亭虛面面朱闌護百頃明湖三萬戶如此
良宵一點漁燈度棹開時香過處說道周遭荷葉青無數却
被藍花全隔住泛徧湖灣不見些兒露

虞美人

八月廿五日遊城南千佛山三首

歷山耕者知何處田畔山如故女牆如帶指城中別露平疇尖
翠雨三峯依山鑿佛人爭拜僧怕金身壞不知是佛是山靈

都說城南山似佛頭青

虛空靈殿皆朝北簾卷鸞旌色天生翠壁作屏風安放仙山樓閣御牀中
淳泓龍井甘如乳不識人間暑寒天石佛未能燒却護皇家山後結圓茅

城中仰看山容好山上看城小半城斜日二分秋別有一分秋色在僧樓
城南車馬山前路幾許來還去高人難得住山緣却似鵲華相望不相連

百字令

次韻送金鍾越同年歸全椒二首

春明夢醒便洒然歸去非同秦贅一幅輕帆數聲槳預遣風姨回避塲上魚龍盤中鴛鴦變滅聊相戲生于憂患古今大抵如是
且去視膳堂邊凝妝樓側小拓鐙龕地畫簾雙筍倚欒

強似吹簫吳市稱體斑斕等身圖籍佳日花前醉故人寂寞也
應夢我千里

難教人聽是談天鄒衍多言而贅昔作無心雲出岫嘗恐鶴羞
猿避投筆非難致身須蚤始信前言戲五窮相守行吟帶索如
是暫把眉上愁捐鬢邊塵浣去覓藏名地吾愛吾廬卿用法
不管誰門如市母是經師婦爲佳友月伴先生醉舉頭良夜惜
君生不同里

醉蓬萊

秋江別友圖

向空濛無際一片江山舫聲難住飄泊何爲與年光來去去國
心情送人滋味記銷魂何處對此茫茫最無聊賴一園秋樹
我似垂楊管人離別不堪回憶瀟湘如許乍醒三眠又身隨飛

絮鬢上塵堆襟邊酒暈歎朱顏非故我欲無言仗他哀雁替人分訴

邁陂塘

彭夷鵠餞菴詞後二首

酒秋風淚痕幾許釀成酸楚如此哀猿曉到三聲後不管征人欲死吾與爾分萬斛閒愁歌泣將焉止青春去矣問何者銷憂只應無語相對夕陽裏情一往灩灩溶溶難比恰似一江春水無端風雨豪端出哀怨聲盈天地知音幾箇我輩傷心不但鍾情耳鳴鳴誰倚當付與雙姑玉簫相和低唱過彭蠡

望湘人

悵年年逆旅處處魂銷銷來無可銷處風外移巢燈前抱影誰念飄零人苦易得狂名難求利市懷哉吾土況禁他去燕來鴻

一遞一聲相訴 同看天涯明月問幾人寂算幾人歌舞縱唱
激旗亭畢竟于卿何補爛醉也不借雙鬢顧不司屯田荒墓待
攜君置酒沙棠隨著大江東去

徵招

王穀原舍人青谿邀笛圖二首圖爲送人入蜀而作圖
中坐小亭吹笛者商寶意太守也

江山到處都如此其閒黯然惟別秋柳正垂垂刻意教人折免
華生又滅禁幾許清歌嗚咽寒夜重來舊游如夢故應淒絕
恰憶五年前江南岸酒醒歸月時節一桁碧闌干聽笛聲吹激
年華流水闕那不遺鬢絲成雪忍看君一幅閒愁苦覓恨人說
賀新涼

秋在臺城路聽吳娘小樓低唱蕭蕭暮雨畫裏簾波丁字水每

憶垂楊一樹逐落葉隨風飄舞南北東西行萬里對河山飄泊
猶如故誰耐寫別人處能詩司馬吾家住

寶鼎宮西江時假館舍開
家兩弟兄因得受業及于

自上黨歸而
司馬行矣

記泥牆釵痕墨瀦昔年曾護不道河樓留雪爪又惹

賓鴻相訴邀笛奏王郎新譜我或前身據牀客踏荒煙曾表極
公墓歷寒食又三度

想伊墓在南昌城南久澤水田中庚午春予訪
得其處作記付南昌令尹賴貞固立碑表之

陳其年洗桐圖康熙庚申夏周履坦畫

一丈清涼界倚高梧解衣盤薄響其堪愛七十年來無此客餘
韻流風猶在問何處桐陰不改名士從來多似鯽讓詞人消受
雙鬢拜可容我取而代文章煙月思高會好年華青尊紅燭
歌容舞態太白東坡渾未死得此人生差快彈指耳時乎難再
及見古人圖畫裏動無端生不同時慨口欲語意先敗

春郊送客圖送陳望之歸商邱二首

海內無多友聚離踪黃金臺畔一桮殘酒南北東西十年路別緒千回禁受君去矣吾能歸否明日懷人何處最記離亭一樹初黃柳一展卷一回首君能使筆如揮帚諒斯人天非無意勛名終有卿相之榮等閒耳何事方爲不朽算但學鄒枚賦手愛惜年華開萬卷咲塵容碌碌隨人後任餘子曳履走

我亦悲歌士憶當時青雲結客黃沙射雉三十行年豪氣盡川上低徊流水看徧了江山如此圓缺陰晴今古共迷人心那不如灰死知我者二三子已曾三食神仙字笑飢蟬逡巡雪案消磨敗紙不斷車雷喧客枕欲借杜家聲耳更無奈別人燕市滿目風煙兄弟感夕陽中長揖分行止都付與畫圖裏

百字令

家戰門員外蓮塘銷夏圖二首

水精之域現如來一丈青蓮花界嬾角簪裾河朔飲水枕風船
俱在公子風標麗人顏色恰與仙郎對十分消受世間殘暑無
奈轉憶僕射陂前綠楊千縷淺澱如羅帶展放天機雲錦段
擁出紅妝翠蓋廿載飄蓬更番觸熱開置車箱隘清涼如許船
唇著我差快

古來銷夏有玉簫金管木蘭之桤柳嶼花汀隨處有只有閒人
難得麴院三秋鑑湖五月越女無雙白婀娜碧玉不妨添寫身
側君有鷗鷺奇姿神仙逸氣新注金門籍那得科頭箕踞坐
不向瀛洲太液粉署含香黃扉直夜同是東華客何年買棹弟
兄花裏浮拍

臺城路

諸申之鏡湖嬉春圖二首

江山如此無情甚水與春愁俱滿深悔當時踟躕陌上却任花
開緩緩東風不管將一丈游絲等閒吹斷若道緣慳慳怎做
踏春伴 人生此恨難遣賸垂楊一樹雨疎煙嬾碧漢星移銀
橋鵲去比並天河還遠料他憔悴也似爾年來鬢絲新換贏得
思量向懊儂船慢

洞仙歌

春衣初試映湖光脈脈記得羅衫一痕碧正魚龍曼衍鸞燕紛
紜原不合悄向衆中憐惜 已令君識面又不關情此境迷離
信難覓誰遣杏花媒喚使遊蜂句引去尋春油壁不埋怨湖山
惹相思反畫出湖山教人思憶

賀新涼

饒上舍韜明篆印小冊

咄咄真堪怪習彫鏤文人餘事如斯狡獪切玉昆刀君才似不
管銅章魚佩執寸鐵腕如風快造化鐫鑱天欲泣刻琳琅字字
垂金難力豈但透紙背靜觀雲鳥蟲魚態說文爲古之小學
而今皆廢却使壯夫工篆刻秦漢風規猶在在何震文彭而外
不入明誠金石錄志名家賴古堂應載爾生晚亦無奈

滿江紅

自題空谷香傳奇

十載填詞悔俱被粉黏脂泥纔悟出文之至者不煩堆垛譎諷
旁嘲惟自哂真情本色憑誰和待招他天下恨人魂歸來些
亭悶語真無那顛倒事何堪唾談咲把賢愚肝肺豪端穿過誤
處從君張眼顧悲哉讓我橫肱臥料知音各有淚痕雙誰先墮
水調歌頭

月次感成

偶爲共命鳥都是可憐蟲
淚與秋河相似點點注天東
十載樓中新婦九載天涯夫
壻首已似飛蓬年光愁病裏
心緒別離中詠春豔疑夏雁
泣秋蛩幾見珠闌翠繞含咲
坐東風聞道十分消瘦爲我
兩番磨折辛苦念梁鴻誰知
千里夜各對一燈紅

賀新涼

書空谷香後

女子如斯也自低回一聲檀板數行泣下幾許花叢懶回顧儘
着流鶯輕罵只聽說文君新寡明鏡無情春又老歎紅顏一例
愁期嫁三五豔易凋謝倦慕潘陸抄揚馬牘恣說文章華國
何關風化呼吸商聲秋氣滿節義幾人肩者渴睡漢酒闌燈灺
三十功名塵與土古之人先我將愁寫公等語大都詐

送家恒軒相公侍從東巡

帝命三公從擁朱輪出江風度天然端重問俗省方行紫塞
香案邊旁陪奉更樂事還同萬衆吁咈都俞人未識掌絲綸帷
幄推姚宋帳殿月外蕃共屬車塵裏攜雛鳳時李子實夫隨侍似終童
短衣繡韎雕鞍飛控拂衷御煙春藹藹到處河冰回凍聽曉
角霜天初弄佳氣陪京雪爛漫看龍蟠虎踞知天縱拜手上
岡陵頌

吳門墮水後題張吟薌詞卷

三爵陶然矣君慙把驪珠一串納吾懷裏醉墮寒江光滿抱險
被靈胥攪視誰撒下珊瑚網起一十三行真本在衍波紋縐了
桃花紙衣篝炙自料理挑鐙細讀烏闌字爲師友行歌坐泣
纏綿若此小雅離騷存別派幻出情仙俠鬼便仙鬼也須愁死

雲錦爲裳心作翦淺人看但解呼才子吾不語悶而已

袁子才前輩郵駢句數百言訂交題詞奉報二首

記向秦淮水問何人小樓吹笛勸人愁死雨皺嵐皺多偃蹇我
與蔣山相似白下柳又添顚顚却到江山奇絕處遇雙鬟都唱
袁才子情至者竟如此羅衫團扇傳名字比風流淮南書記
蘇州刺史常聽東華故人說腸斷江南花底何苦較天都人世
樓閣虛無平等看謫塵寰終是神仙耳花落恨莫提起

百字令

才人爲政羨宦成三十居然不朽五聽參觀如善射轉側皆能
入磬遊戲奇情循良小傳千里傳人口西清餘子旁觀且更雙
手底事拋擲西湖句留南國展放林端牖六代青山橫淺黛
都作去聲袁家新婦酒客清豪名姬窈窕小令歌紅豆香名豔福

幾人兼此消受

大酺

題葉秋勝小照四首

有田不歸如江水東坡亦可憐者邨邨
嗚布穀正留犁風起僧
衣全畫雨片如煙鞭聲若鼓淺澱輕浮秧馬踏芳塍宛轉似丈
人荷篠樊遲學稼把齊民要術幽風雜咏共老農話 秋成看
穠稔脫青糝泥飲瓜棚下更打疊稚子候門山妻釀酒騎牛小
結雞豚社約投閒他日共築箇溪南茅舍將桑柘從新寫歸田
錄罷頽然美睡簾幮聽他香稻輕打

古畫春曉

十二時

六花堆上黃茅屋顯出風神清皎有玉樹瓊枝圍繞端不讓戴
安道蹇背衝寒船唇忍凍冰雪年年飽倘相過不厭狂奴願作

飛鴻一試去來泥爪 算百歲浮名艸艸低唱淺斟差好慘徑
繁簾隨車逐馬放眼成縹緲賴遮藏闕陷兒童何必多埽觸
熱者本堪絕倒不龜手藥難討竹挺高風梅塢俗豔便是山翁
照問如何不樂潘郎鬢點華了

右密雪齋

邁陂塘

看斯人嶽嵴歷落不應寂算如此我爲壯夫君白首相見紫薇
花底三年矣但訴說平生大抵勞薪耳故鄉千里到月白風清
酒闌燈炮夢斷一竿水風濤濶幾許躁鱗鱗尾浮沉畢竟何
止煙波着個忘機叟鷗鷺同生懷喜魚不餌想得失拋空老作
天隨子憑誰呼起把兩鬢風塵卅年心事都共釣綸委
挂秋旻布帆無恙何堪相送南浦鯉魚風起人歸也吹動一城
砧杵津頭鼓報水宿郵籤紅到青楓樹畫中延佇問拍拍鳬鷺

船梢可肯添我捉漁艖 思往事曾把江山閒數孤篷聽漏寒
雨而今尚作臨淵羨敢與樵兄爲伍心自語且暫借漁蓑咲學
鐙前舞蘆花深處坐醉澱湖邊輸他征雁共汝宿平楚

右畫垂綸二首

臺城路

題某小照

人生失意尋常耳那得全無飄泊習靜緣慳買山費少孤負江
南邱壑亂愁拋卻將客裏閒身畫中安着琴意詩情低徊猶可
慰蕭索及時聊且行樂看魚龍舞罷海天空濶須鬢蒼蒼江
山浩浩容易蹉跎芒屨考槃何處我亦似匏瓜偶然縣縛聽到
松風便消魂林薄

邁陂塘

鍾叔梧秋水懷人圖

劃人間東西南北無情最是秋水水與秋光較深淺不敵相思
無底愁欲死怨海內知音不合相知耳離懷若此誰耐得星星
夕陽紅樹幾箇雁聲裏記前歲同在京華懷爾爾懷又復相
似自北而南魂黯黯我是畫中汀汜三年矣待隨着檣烏轉擲
風帆尾慰君何以願橫鏹遙山填平巨浸縮地共歡喜

解連環

王穀原比部丁辛老屋圖

寂然如此問誰守庚申誰論甲子聽門外鼓走驚雷料爽塏難
求且居塵市共燕分巢何用擇干支戊巳把權籬艸屋移畫城
西一角山底退食閉門而已但埽葉聽蟬可除多累待成名
宦何年嘆朔雪炎風拋棄流水萬卷三間容俯仰閒身足矣甲
辰雌只愁老我軟紅堆裏

多麗

堆帛美人

傍湖山小坐誰家閨秀映羅衫芭蕉幾葉宛如春水新縐似周
昉圖中仕女當初花下相逅顧盼嬌兒提戈取印阿侯伶俐伴
儂前後舉玉指輕扶蟬鬢生怕金釵溜還恐是傳神纖手自家
描就是翦出春雲態度堆成羣帶衫裏費綠窗工夫幾許打
稿評量肥與瘦錯彩盤金雕文纂組付他小婢街頭售也只似
才人賣賦流落風塵走傷心者一分聰慧一分憊憊

忠雅堂文集卷二十八